



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-608-4/21**
Datum: **03.02.2022.godine**

«Agencija za vodno područje rijeke Save» Sarajevo rješavajući po zahtjevu pravnog lica „BONY“ d.o.o. Tuzla, za donošenje rješenja o vodnoj dozvoli za ispuštanje tehnoloških otpadnih voda iz pogona za proizvodnju sokova i prateće ambalaže, izgrađenog u naselju Ljubače, ul. Morančani 32 a, općina Tuzla, na osnovu člana 139. stav (1) tačka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), donosi:

RJEŠENJE **o vodnoj dozvoli**

1. Pravnom licu „BONY“ d.o.o. Tuzla, daje se vodna dozvola za ispuštanje tehnoloških otpadnih voda iz pogona za proizvodnju sokova i prateće ambalaže, izgrađenog u naselju Ljubače, ul. Morančani 32 a, općina Tuzla, na zemljištu označenom kao k.č. broj: 4224, 4222/2, 4219, i 4218/1 (novi premjer), što odgovara zemljištu označenom kao k.č. broj: 1365/10, 1365/11, 1365/4 i 1365/13 (stari premjer) K.O. Husino.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da pravno lice „BONY“ d.o.o. Tuzla, obezbijedi da se sistem za prikupljanje, prečišćavanje i ispuštanje otpadnih voda kao i objekti izgrađeni u krugu proizvodno-poslovnog objekta za proizvodnju sokova i prateće ambalaže, održavaju u funkcionalnom stanju i koriste u skladu sa namjenom i uslovima iz ove vodne dozvole.
 - 3.2. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa prilogom 5. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
 - 3.3. Čišćenje uređaja za tretman tehnoloških otpadnih voda i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

- Izvršajaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.5. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
 - 3.6. Na predmetnoj lokaciji nije dozvoljeno indirektno ispuštanje otpadnih voda u podzemne vode.
 - 3.7. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja, a pravosnažnost predmetne dozvole počinje od datuma isteka važenja vodne dozvole broj: UP-I/25-3-40-060-4/17 od 09.03.2017. godine.
 11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
 12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

O b r a z l o ž e n j e

Pravno lice „BONY“ d.o.o. Tuzla , zahtjevom broj: 23/2021 od 21.12.2021 godine se obratilo ovoj Agenciji za donošenje rješenja o vodnoj dozvoli za ispuštanje tehnoloških otpadnih voda iz pogona za proizvodnju sokova i prateće ambalaže, izgrađenog u naselju Ljubače, ul. Morančani 32 a, općina Tuzla, na zemljištu označenom kao k.č. broj: 4224, 4222/2, 4219, i 4218/1 (novi premjer), što odgovara zemljištu označenom kao k.č. broj: 1365/10, 1365/11, 1365/4 i 1365/13 (stari premjer) K.O. Husino.

U provedenom postupku dostavljena je i pregledana sljedeća dokumentacija:

A. Opšta dokumentacija

- Ovjereni kopiji Rješenja o izmjenama upisa u sudski registar broj: 032-0-Reg-17-001729 od 11.01.2018. godine izdato od strane Općinski sud u Tuzli,
- Ovjereni kopiji Uvjerjenja o poreskoj registraciji izdatoj od Porezne uprave Kantonalni porezni ured Tuzla od 30.05.2005. godine,
- Uplatnica za upravnu taksu u iznosu od 70.00 KM,
- Rješenje o odobrenju za građenje broj: 06-23-6009-2003-TR od 26.03.2004. godine, Služba za prostorno uređenje i zaštitu okoline, Općina Tuzla
- Rješenje o vodnoj dozvoli br. UP-I/25-3-40-060-4/17 od 09.03.2017. godine, izdato od «Agencije za vodno područje rijeke Save» Sarajevo,
- Rješenje o okolinskoj dozvoli broj: UP-I-05/2-23-155/16 SN od 26.12.2016. godine izdato od strane Federalno ministarstvo okoliša i turizma,
- Ugovor od 24.05.2021 godine, o skupljanju, skladištenju i zbrinjavanju opasnog otpada, sklopljen sa „Kemokop“ d.o.o. Tuzla,
- Godišnji izvještaj o ispitivanju kvaliteta otpadnih voda pravnog lica „BONY“ d.o.o. Tuzla za 2021 godine 2021 godine, urađeni od strane „HERKON“ d.o.o. Mostar,
- Zapisnik o ispunjavanju uslova tehničko-tehnološkihi kadrovskih za proizvodnju sokova broj: UP-UP-I-03-4-18/1-1323/18 od 19.11.2018 godine od strane komisije formirane Federalnog ministarstva poljoprivrede, vodoprivrede i šumarstva.

B. Tehnička dokumentacija

- Glavni projekat odvodnja i prečišćavanje oborinskih otpadnih i tehnoloških voda- rekonstrukcija i dogradnja, fabrika sokova „BONY“ d.o.o. Tuzla urađen od strane „PGP-HIDROINŽINJERING“ d.o.o. Tuzla

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-608-2/21 od 31.01.2022. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta- pogona za proizvodnju sokova i prateće ambalaže pravnog lica „BONY“ d.o.o. Tuzla, nalazi se s lijeve strane magistralnog puta M-18 Sarajevo- Tuzla u naselju Ljubače, ul. Morančani 32 a, Tuzla.

Na lokalitetu predmetnog poslovnog objekta nalaze se sljedeće cjeline: upravna zgrada, pogoni za proizvodnju sokova, pogon za proizvodnju ambalaže, skladišta sirovina i gotovih proizvoda, kotlovnica na plin, postrojenje za prečišćavanje tehnoloških otpadnih voda, separator ulja i masti, saobraćajne površine i dr.

Na lokaciji se nalazi objekat u izgradnji čija namjena će biti naknadno definisana te nije predmet ovog vodnog akta. U slučaju da se navedenom objektu bude vršila aktivnost usljed koje će nastajati tehnološke otpadne vode, podnosilac zahtjeva je obavezan obratiti se ovoj Agenciji.

Kao gorivo u kotlovnici koristi se tečni naftni plin, a koji se skladišti u dva nadzemna rezervoara ukupne zapremine 5000 l. Rezervoari su smješteni u betonsku tankvanu.

Osnovna djelatnost firme lica „BONY“ d.o.o. Tuzla je proizvodnja, skladištenje i prodaja osvježavajućih pića, voćnih sokova proizvodnja PET ambalaže. Instalirani kapacitet proizvodnje je 1 450 000 l/god sirupa, 2 400 000 l/god-bezalkoholnih pića, 3 520 000 l/god voćnih sokova te 5000 kom/h boca od 0,5l i 3500 kom /h boca od 2,0 l.

Tehnološke otpadne vode nastaju od pranja opreme, ambalaže i čišćenja površina pogona. Ove vode se zasebnim sistemom kanala, nagiba vodonepropusnih podloga i cjevovoda sakupljaju i odvođe u postojeći uređaj za prečišćavanje. Predtretman tehnoloških otpadnih voda odvija se u podzemnom AB višekomornom objektu gdje se odvija proces aeracije (oksidacija organskih supstanci).

Završni tretman tehnoloških otpadnih voda odvija se u dijelu postrojenja kontejnerskog tipa sa sljedećim operacijama: mehaničko filtriranje 300 µm, separator ulja i masti, filtriranje kroz pješčani filter mehaničko filtriranje 50 µm, a zatim mehanički filter od 5 µm i 1 µm postrojenje za ultrafiltraciju, skladištenje prečišćene vode nakon ultrafiltracije postrojenje za nanofiltraciju filtriranje sa aktivnim ugljem. Prečišćene vode se ispuštaju u rijeku Ljubaču.

Koncentrat nakon ultrafiltracije i nanofiltracije se vraća u podzemni AB višekomorni taložnik i miješa sa ulaznim vodama, a u istom se vrši i taloženje. Nakon nakupljanja taloga do određene visine u višekomornom AB taložniku vrši se čišćenje od strane ovlaštene firme.

Snabdijevanje vodom za potrebe predmetnog objekta vrši se priključkom na gradski vodovodni sistem i iz vlastitog izvora vodosnabdijevanja-bunara.

Izveštaj rezultata ispitivanja kvaliteta tehnoloških otpadnih voda, novembar 2021 godine, urađeni od strane urađeni od strane „HERKON“ d.o.o. Mostar, ukazuju da parametri kvaliteta otpadnih voda su u skladu sa graničnim vrijednostima definisanim Uredbom o uslovima ispuštanja otpadnih voda u okoliš i sisteme javne kanalizacije.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama, člana 3. tačka s) i članova 19. i 20. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva, „BONY“ d.o.o. Tuzla, ispunio minimum uslova za izdavanje vodne dozvole za ispuštanje oborinskih onečišćenih voda te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić, dipl.inž.tehn.

Po ovlaštenju
Rukovodilac sektora za izdavanje vodnih akata


Haris Ališehović, dipl.inž.građ.

Dostaviti:

- „BONY“ d.o.o. Tuzla, Morančani 32 a, Tuzla (Prilog-tehnička dokumentacija pod tačkom B obrazloženja Rješenja)
- AVP Sava, ISV-vodna knjiga
- Org.jed. 50
- ☉ Org.jed. 40-arhiva
- Oglasna tabla AVP Sava Sarajevo